



Arkivnr: 2014/1636-33

Saksbehandlar: Nils Vetlesand

## Saksframlegg

### Saksgang

Utval	Saknr.	Møtedato
Fylkesutvalet		31.05.2018
Fylkestinget		13.06.2017

## Sykkel VM i Bergen2017 - motrekning av usikkerhetsavsetjing

### Samandrag

Fylkestinget viser til vedtak i fylkestingssak 30/13, der fylkestinget vedtok å kome attende til finansiering av usikkerhetsavsetjing på 5,2 mill. kr.

Fylkesrådmannen foreslår i saka at fylkestinget avviser krav frå konkursbuet for Bergen 2017 AS om utbetaling av usikkerhetsavsetjing på 5,2 mill. kr.

Fylkesrådmannen rår fylkestinget til å motrekne summen på 5,2 mill. kr mot manglande istandsetjing av fylkesvegane frå Bergen 2017 AS si side, slik det var avtalt.

**Økonomi:** Saka gjeld motrekning av usikkerhetsavsetjing knytt til sykkel-VM i Bergen i 2017.

**Klima:** Ingen effekt.

**Folkehelse:** Ingen effekt.

**Regional planstrategi:** Ingen effekt.

### Forslag til innstilling

1. Fylkestinget viser til fylkesrådmannen si saksutgreiing og avviser krav frå konkursbuet for Bergen 2017 AS v/advokatfirmaet SteenstrupStordrange DA om utbetaling av usikkerhetsavsetjing på 5,2 mill. kr.
2. Fylkestinget godkjenner at summen på 5,2 mill. kr vert motrekna mot Bergen 2017 AS si manglande istandsetjing av fylkesvegane, slik det er avtalefesta mellom partane.

Rune Haugsdal  
fylkesrådmann

Ingrid Kristine Holm Svendsen  
fylkesdirektør økonomi og organisasjon

*Saksframlegget er godkjent elektronisk og har derfor inga underskrift.*

**Fylkesrådmannen, 16.05.2018****Bakgrunn**

Fylkestinget gjorde i sak 30/13 Søknad om å arrangere sykkel-VM i 2017 i Bergen og bergensregionen, slik t vedtak:

- «1. Hordaland fylkesting er positiv til at Bergen vert vertskapsby i ein norsk søknad om Sykkel-VM 2017, og ser på dette som ein svært attraktivt meisterskap å få til bergensregionen.
2. Fylkestinget føreset at meisterskapen vert finansiert gjennom eit spleiselag mellom idrett, næringsliv og offentlege styresmakter.
3. Fylkestinget legg til grunn at statleg medverknad til arrangementet står i høve til nivået på regionale styresmakter sine tilskot og at Bergen kommune og dei andre kommunane medverkar i.
4. Fylkestinget er positiv til å støtte arrangementet med kr 15 mill. i samsvar med saksutgreiinga. Summen vert sett av på disposisjonsfond i samband med avsluttinga av rekneskapen for 2012. Fylkestinget legg til grunn at den tilrådde usikkerheitsavsetjinga på 15,6 mill. kr ikkje vert finansiert no, men det vert føreset at den vert dekt i tråd med saksutgreiinga dersom den inntreff. Hordaland fylkeskommune sin del utgjer 5,2 mill. kr.
5. Fylkestinget sluttar seg til at det vert arbeid med å opprette eit arrangementselskap for Sykkel-VM 2017. Fylkesutvalet får fullmakt til å ta avgjerd om fylkeskommunen skal ta del i eit slikt selskap.»

Det går fram av vedtaket i fylkestinget at det i samband med avslutting av rekneskapen for 2012 vart sett av 15 mill. kr som fylkeskommunalt tilskot til å arrangere sykkel VM i Bergen i 2017. Det går vidare fram at fylkestinget føresette å koma attende til finansiering av fylkeskommunen sin del av usikkerheitsavsetjinga på 5,2 mill. kr.

Bergen 2017 AS stod for søknad om og gjennomføring av arrangementet av sykkel-VM. Selskapet er under konkurshandsaming.

Det er inngått avtale mellom Bergen2017 og fylkeskommunen om ulike sider ved arrangementet. Avtalen regulerer m.a. at kostnaden med å setje fylkesvegane attende i den stand dei var før arrangementet, var selskapet sitt ansvar med ein fastsett frist for ferdiggjering. Dette arbeidet er ikkje utført, og fylkesrådmannen har vurdert å nytte usikkerheitsavsetjinga, som er nemnt i fylkestinget sitt vedtak, for å finansiere dette arbeidet.

**Notat frå advokatfirmaet Kluge – problemstillingar og konklusjonar**

For å få ei juridisk vurdering m.a. av dette spørsmålet, har fylkesrådmannen fått utarbeidd eit notat frå advokatfirmaet Kluge. Nedanfor går fylkesrådmannen kort inn på aktuelle problemstillingar og konklusjonane i notatet.

Notatet tek opp ulike sider ved usikkerheitsavsetjinga på 5,2 mill. kr i fylkestinget sitt vedtak i sak 30/13. Ein ser på føresetnader og vilkår som må vere til stades for at konkursbuet sitt krav skal nå fram og kva rett fylkeskommunen har til å motrekne utgifter for istandsetjing av vegnettet, som korkje Bergen 2017 eller konkursbuet har utført, i samsvar med inngått avtale.

Advokatfirmaet Kluge konkluderer med at fylkeskommunen ikkje har inngått garanti utan vilkår overfor Bergen 2017. Fylkestinget sitt vedtak i sak 30/13 er klart på at usikkerheitsavsetjinga på 5,2 mill. kr skal vurderast særskilt, dersom det vert sett fram krav om det.

Notatet viser til at fylkeskommunen har høve til å motrekne usikkerheitsavsetjinga mot kravet ein har, i samsvar med inngått avtale med Bergen 2017 AS, om istandsetjing av fylkesvegane innan 10. desember 2017.

Fylkesrådmannen viser til notatet frå advokatfirmaet Kluge som ligg ved.

### **Fylkesrådmannen si tilråding**

Fylkesrådmannen viser til fylkestinget sitt vedtak frå juni 2013 der det vart løyvd 15 mill. kr i tilskot til å arrangere sykkel-VM i Bergen i 2017. Denne summen er dels utbetalt og dels nytta til å finansiere ekstra kollektivtransport i VM-perioden i samsvar med kostnadsbudsjettet for sykkel-VM – referert i den nemnde fylkestingssaka frå 2013.

Notatet frå advokatfirmaet omhandlar ulike sider ved usikkerheitsavsetjinga på 5,2 mill. kr som fylkestinget i vedtaket frå 2013 ville koma attende til.

Fylkesrådmannen meiner det er urimeleg at Bergen2017 AS skal få utbetalt denne summen, samstundes som avtalen om å setje fylkesvegane attende i same stand som før VM, ikkje er gjennomført. I avtalen mellom Bergen 2017 AS og Hordaland fylkeskommune, var fristen sett til 10. desember 2017 for når vegnettet skulle vere sett i stand.

Etter fylkesrådmannen sitt syn, viser notatet frå advokatfirmaet Kluge at vilkåra for at fylkeskommunen kan motrekne usikkerheitsavsetjinga mot den manglande oppfyllinga av avtalen om istandsetjing av fylkesvegane er til stades. For fylkesvegane er dette rekna til 8,5 mill. kr, så sjølv med motrekning av usikkerheitsavsetjinga på 5,2 mill. kr er det ikkje full dekning. Fylkesrådmannen vil koma attende til korleis dette skal finansierast.

Ut frå konklusjonane i den juridiske vurderinga, foreslår fylkesrådmannen at fylkestinget avviser kravet frå konkursbuget for Bergen 2017 om utbetaling av usikkerheitsavsetjinga på 5,2 mill. kr. Fylkesrådmannen rår til at fylkestinget godkjenner å motrekne usikkerheitsavsetjinga på 5,2 mill. kr mot kostnadene med å setje fylkesvegane i stand, som Bergen 2017 AS ikkje har gjennomført slik det er avtalt.